

## Արխագիան ռուս-թուրքական դիմակայության առաջին գծում ԱՌՎԱԿ կենտրոնի մեկնաբանությունը, 10.02.2025 թ.<sup>1</sup>

2025 թ. հունվարի վերջին միջազգային լրատվամիջոցներում հրապարակվեց մի փաստաթուղթ, որը պարունակում էր Ռ. Էրդողանի մերձավոր գործընկեր, Թուրքիայի խորհրդարանի պատգամավոր և «Ազգայնական շարժում» արմատական կուսակցության առաջնորդ Դևլեթ Բահչեյի խնդրանքը Թուրքիայի արտգործնախարար Հաքան Ֆիդանին: Բահչեյին, ըստ էության, Հ. Ֆիդանից թույլտվություն է խնդրում, որպեսզի իր կուսակցությունը, համագործակցելով թուրք-արխագական հասարակական կազմակերպությունների և Արխագիայի թուրքամետ քաղաքական գործիչների հետ, միջամտի չճանաչված մերձսևծովյան հանրապետության նախընտրական գործընթացներին: Դ. Բահչեյի առաջարկած ծրագրերում հիմնական շեշտը դրված է Արխագիայում հայկական գործոնի չեզոքացման և Արխագիայի ուժեղ ու բազմանդամ հայկական սփյուռքի քաղաքական և տնտեսական դիրքերը խաթարելու անհրաժեշտության վրա, որն, իբր, աջակցում է Ադրբեջանում «*ղարաբադյան անջարտղականությունը*»<sup>2</sup>: Այսպիսով, Թուրքիայի իշխող շրջանակներին մոտ կանգնած քաղաքական գործիչ Բահչեյի նախաձեռնությունը վկայում է, որ Անկարան մտադիր է օգտվել Արխագիայում չկարգավորված իրավիճակից, որը սկսվեց Սուխումում բողոքի շարժման մեկնարկից (11.11.2024 թ.) և նախագահ Ասլան Բժանիայի հրաժարականից (19.11.2024 թ.) հետո<sup>3</sup>:

Ձևական առումով ընդդիմության գործողություններն սկիզբ առան այն բանից հետո, երբ հանրապետության խորհրդարանը վավերացման ներկայացրեց ռուսաստանցի ներդրողների համար արտոնությունների և երաշխիքների մասին համաձայնագիրը, որն արխագական ընդդիմությունը համարեց Մոսկվայի փորձ՝ իր բիզնես գործակալների միջոցով անարգել գնելու ազգային հողային ֆոնդի զգալի մասը<sup>4</sup>: Համաձայնագրի վավերացման դեմ բողոքի ձեռնարկները հանգեցրին նախագահի և նրա թիմի հրաժարականին: Դրանից հետո նշանակվեց արտահերթ նախագահական ընտրությունների օրը (15.02.2025 թ.), սակայն, չնայած ներքաղաքական իրավիճակի թուլացմանը, Արխագիայում լարվածությունը շարունակում է պահպանվել:

<sup>1</sup> Նյութի բնօրինակը (ռուս.) հրապարակվել է մեր կայքէջում 01.02.2025 թ.:

<sup>2</sup> «Արխագիայի հայերին չեզոքացնելու թուրքական փորձերը». Narod.am (ռուս.), 23.01.2025, <https://narod.am/archives/1518> (բեռնման օրը՝ 27.01.2025):

<sup>3</sup> «Արխագիայի խորհրդարանը պաշտոնանկ է արել նախագահին: Ընդդիմությանը և իշխանություններին հաջողվեց համաձայնության գալ». BBC NEWS (ռուս.), 19.11.2024, <https://www.bbc.com/russian/articles/c2d18kk8gn0o/> (բեռնման օրը՝ 27.01.2025):

<sup>4</sup> «Ի՞նչն է Արխագիայի բողոքի ձեռնարկների պատճառ դարձել», Ведомости (ռուս.), 13.11.2024, <https://www.vedomosti.ru/politics/articles/2024/11/13/1074619-chem-vizvani-protesti-v-abhazii/> (բեռնման օրը՝ 26.01.2025):

Ընտրություններին ընդառաջ քաղաքական քննարկումներն արդեն դուրս են եկել հանրապետության «հողային հարցի» և տնտեսական խնդիրների սահմաններից: Նախընտրական քարոզարշավի ընթացքում ընդդիմությունն ավելի ու ավելի է արմատականացնում իր տրամադրությունները Մոսկվայի նկատմամբ, մինչդեռ չափավոր քաղաքական ուժերը քաղաքացիներին կոչ են անում իրենց ընտրության հարցում առաջնորդվել ողջամտությամբ և թույլ չտալ «ռուս-աբխազական միասնության» փլուզումը, որը կարող է աղետալի հետևանքների հանգել Աբխազիայի համար: Սակայն «չափավորների» ճամբարը փաստարկներ չունի հոգուտ իր դիրքորոշման, քանզի Աբխազիայում ՌԴ-ին հավատարիմ ուժերի կառավարման տարիներին հանրապետությունը չի հաղթահարել աղքատությունը, կաշառակերությունը և կլանային կառավարման համակարգը: Ա. Բժանիայի հարկադիր հրաժարականից հետո Ռուսաստանի կողմից Սուխումի դեմ կիրառվող տնտեսական և էներգետիկ պատժամիջոցները նույնպես չեն նպաստում Աբխազիայում ռուսամետ քաղաքական ուժերի դիրքերի ամրապնդմանը: Ընդհակառակը, դրանք միայն պարարտ հող են ստեղծում Աբխազիայի Հանրապետությունում իշխանության հավակնող ազգայնական շրջանակների ռուսատյաց հռետորաբանության և ամբոխահաճության համար:

«ԱՌՎԱԿ» կենտրոնը քանիցս [անդրադարձել է](#) աբխազական վերջին իրադարձությունների թեմային՝ նշելով Վրաստանի ներքաղաքական ճգնաժամի հետ վերջինիս համաժամանակ լինելը: Այդ նյութերում կարծիք է հայտնվել, որ եթե Մոսկվան ներգրավված չէր Սուխումում անկարգությունների կազմակերպման գործում, ապա նա շատ անհաջող ժամանակ է ընտրել «հողային հարցը» ներաբխազական քաղաքական օրակարգ մտցնելու համար:

Հնարավոր է, որ ռուս-աբխազական հարաբերություններում առաջացած լարվածությունը նպաստել է Վրաստանի խորհրդարանական ընտրություններում (26.10.2024 թ.) Ռուսաստանին հավատարիմ համարվող Բ. Իվանիշվիլիի «Վրացական երազանք» կուսակցության հաղթանակին: Շատ հավանական է նաև, որ Մոսկվայի համար վրացական ուղու վրա հաջողությունն ամենակարևորն էր կովկասյան տարածաշրջանում նոր իրավիճակ ստեղծելու համատեքստում, և հենց նա էր հանուն «վրացական խաղի» նախաձեռնել կրքերի բորբոքումը Աբխազիայում: Այսպես թե այնպես, իրավիճակը Աբխազիայում հասել է Մոսկվայի համար անսպասելի շիկացման: Ավելին, Աբխազիայում արտահերթ նախագահական ընտրությունների հետ կապված իրավիճակը սպառնում է դուրս գալ Ռուսաստանի քաղաքական վերահսկողությունից՝ նրան թողնելով առկա գործընթացների վրա ազդեցության միայն ուժային գործիքները: Խոսքն աբխազական օրակարգում մինչ այժմ ստվերված երրորդ կողմի ներգրավման մեծ հավանականության մասին է: Մասնավորապես, կարելի է նկատել Աբխազիայի ներքաղաքական օրակարգում Անկարայի աննախադեպ աշխուժացումն այն ՀԿ-ների և

հասարակական-քաղաքական կառույցների միջոցով, որոնք երկար տարիներ սերտ կապեր են կառուցում և պահպանում Թուրքիայի հետ: Թուրքիայի անունն ավելի ու ավելի է դրական լույսի ներքո հայտնվում արմատական ազգայնական դիրքեր գրավող արխազական ընդդիմադիր ուժերի նախընտրական հոռետորաբանության մեջ: Թուրքիան հասարակությանը ներկայացվում է՝ որպես Ռուսաստանի այլընտրանք, և նշվում, որ կողմնորոշումը դեպի այն Սուխումին կերաշխավորի բարօրություն, տնտեսական բարգավաճում և անվտանգություն: Փաստորեն, խոսքը արխազական հասարակության գաղափարախոսական վերաձևավորման փորձի մասին է, որի նպատակն է հանրապետության աշխարհաքաղաքական վեկտորը փոխել դեպի Անկարա:

Ռուսական ՋԼՄ-ների դիտարկումը թույլ է տալիս եզրակացնել, որ Սուխումի դեպքերի առաջին փուլում ՌԴ-ն թերահավատորեն էր վերաբերվում այդ գործընթացներին երրորդ կողմերի միջամտության հնարավորությանը: Տեղի ունեցածը ներկայացվեց որպես ինքնաբուխ իրադարձություն՝ կապված տեղական վերնախավերի պահվածքի, նրանց անարդյունավետ աշխատանքից և Ռուսաստանից եկող ֆինանսական օգնության ոչ պատշաճ բաշխումից Արխազիայի բնակչության օբյեկտիվ դժգոհության հետ<sup>5</sup>: Ռուսաստանի ՋԼՄ-ներում ջանասիրաբար տարածվել է պատմություն առ այն, որ հանրային ելույթների ձգան դարձած համաձայնագիրը, որն արխազական հողեր գնելու արտոնություններ է նախատեսում ռուսաստանյան ընկերությունների համար, ըստ էության, առաջին հերթին ձեռնտու է Արխազիային: Իբր թե խնդիրն այն է, որ Սուխումի իշխանությունները չեն ջանացել իրենց քաղաքացիներին մանրամասն տեղեկացնել դրա առավելությունների մասին, որոնք կոչված են խթանելու բազմամիլիարդանոց ռուսական ներդրումների հոսքը դեպի հանրապետության տնտեսություն: Այսպիսով, տեղի ունեցածին քաղաքական գնահատական չտրվեց և, առավել ևս, մտքեր չհնչեցին դրսից Սուխումի իրադարձությունների հնարավոր կազմակերպման, կատարվածում որևէ երրորդ կողմի ներգրավվածության մասին:

Կարելի է ենթադրել, որ ռուսական իրավասու շրջանակները չէին կարող չկասկածել բողոքի ցույցերում թուրքական հետքի հնարավոր առկայության մասին, սակայն նրանք նրբանկատորեն փորձում էին չանդրադառնալ այս թեմային՝ ակնհայտորեն ելնելով ռուս-թուրքական հարաբերությունների ընդհանուր համատեքստի պահանջներից: Սակայն, երբ իրավիճակը զարգացավ՝ Արխազիայի իշխանությունների հրաժարականի և Արխազիայի նկատմամբ պատժամիջոցների սահմանման հետ կապված, լրատվական դաշտում առանձին քաղաքական գործիչների և փորձագետների կողմից ավելի ու ավելի հաճախակի հնչեցվեց «*թուրքական տարբերակը*»:

---

<sup>5</sup> «Սև անցք Սոչիի մոտ. Պետդուման նշեց Արխազիայում հակառուսական բողոքների պատճառը», RTVI (ռու.), 12.11.2024, <https://rtvi.com/news/chernaya-dyra-ryadom-s-sochi-v-gosdume-nazvali-prichinu-antirossijskih-protestov-v-abhazii/> (բեռնման օրը՝ 25.01.2025):

Չնայած այն հանգամանքին, որ ռուսական իշխանությունները պաշտոնական մակարդակով առայժմ փորձում են խուսափել արխազական իրադարձություններին Թուրքիայի մասնակցության վերաբերյալ մեկնաբանություններից, ամեն անգամ նրանք ավելի ու ավելի են դժվարանում թաքցնել իրենց անհանգստությունը: Փաստն այն է, որ իրենք՝ արխազ արմատական ընդդիմադիրները, ինչպես նաև թուրքական իշխանությունները, այդ թվում՝ Ռ. Էրդողանը, արդեն գրեթե բացահայտորեն հայտարարում են թուրքական աջակցության մասին: 2025 թ. հունվարի սկզբին նրա արած հայտարարությունը «*Դեպի Եվրոպա Արխազիայի ուղին՝ Թուրքիայի միջոցով*» միայն հաստատում է Ռուսաստանում մտավախություններն առ այն, որ ինչ կատարվում է Արխազիայում, պետք է համարել Թուրքիայի կողմից կազմակերպված հեղաշրջում կամ խռովություն, բայց ոչ բացառապես ներքաղաքական արմատներով ինքնաբուխ տեղի ունեցած իրադարձություն<sup>65</sup>:

Այլ հարց է, թե Մոսկվան, հաշվի առնելով իր համապարփակ ռազմական ու քաղաքական ներկայությունն Արխազիայում, ինչպե՞ս կարող էր իրավիճակի նման զարգացում թույլ տալ: Ի վերջո, եթե նույնիսկ Մոսկվան նախաձեռնել է օրակարգ մտցնել «*բնակարանների մասին*» օրենքը՝ «*Վրացական երազանքի*» հետ «*խաղալու*» և Արխազիայում որոշակի վերահսկվող հուզումներ առաջացնելու նպատակով, ապա այս ծրագիրը պետք է իրագործվեր՝ հաշվի առնելով Արխազիայի վրա Թուրքիայի ազդեցության աստիճանը և հանրապետության բնակչության շրջանում բռնկված սոցիալական դժգոհությունները ՌԴ «*ճնշման*» դեմ քաղաքական դիմակայության փուլ փոխադրելու նրա հնարավորությունները: Բայց այս հարցերը դուրս են այս հրապարակման շրջանակներից:

Այստեղ հարկ է նշել, որ արխազական իրադարձություններում, այսպես թե այնպես, թուրքական գործոնը շատ ավելի մեծ տեղ է զբաղեցնում, քան մինչ այդ ենթադրվում էր: Չի կարելի վստահորեն ասել, որ Անկարան Արխազիայում «*հեղաշրջման*» գլխավոր կազմակերպիչն է, բայց բոլոր հիմքերը կան ենթադրելու, որ արխազական իրադարձությունների որոշակի փուլում նա կարող էր միջամտել և տվյալ պահին փորձում է դրանք տանել իր աշխարհաքաղաքական հավակնություններին հարմար հուն: Հետևաբար, Թուրքիան հիմնավորապես նախապատրաստվում էր նմանատիպ իրավիճակի, տարեցտարի ազդեցության լծակներ կուտակելով արխազական օրակարգում և դա անում էր այն գործընթացներին զուգահեռ, որոնք, չնայած Արխազիայում ՌԴ համապարփակ ներկայությանը, հետևողականորեն սրում էին ռուս-արխազական հարաբերությունները:

---

<sup>6</sup> «Թուրքիան պարզապես սպասում է, որ Ռուսաստանը կգժտվի Արխազիայի հետ», «Московский Комсомолец» (ռու.), 10.12.2024, <https://www.mk.ru/politics/2024/12/10/turciya-tolko-i-zhdet-cto-rf-possoritsya-s-abkhaziey.html> (բեռնման օրը՝ 27.01.2025):

20-րդ դարում արխագա-թուրքական փոխհարաբերությունների պատմությունն իր արմատներով խորանում է մինչև 18-20-ական թվականներ, երբ արխագ էթնիկ խմբի մի զգալի մասը Ռուսաստանին պատուհասած քաղաքական փլուզման և պատերազմի պատճառով տեղափոխվեց Թուրքիա և այդտեղ կազմակերպեց իր համայնքները: ԽՍՀՄ փլուզման սկզբում Թուրքիայում «մուհաջիրներ» կոչվող էթնիկ արխագներն սկսեցին տարվել հայրենադարձության գաղափարով, և թուրքական իշխանությունները որոշեցին օգտվել այդ տրամադրություններից ու դրանք վերածել Ռուսաստանի դեմ պայքարի գործիքի՝ Սև ծովում և Կովկասում գերիշխանություն հաստատելու համար:

23.08.1992 թ. սկսվեց վրաց-արխագական պատերազմը, և ընդամենը 9 օր անց Թուրքիայում, արխագական սփյուռքի առաջնորդների նախաձեռնությամբ, ստեղծվեց «Արխագիայի հետ համերաշխության կովկասյան կոմիտեն», որի նախագահ ընտրվեց Աթայ Յուշբան: Այնուհետև կոմիտեն գլխավորել է Արֆան Արգունը, ում օրոք կազմակերպությունն զգալիորեն աշխուժացել է: Կոմիտեի պաշտոնական նպատակն էր ամրապնդել Թուրքիայում ապաստանած սփյուռքի ազգային ու մշակութային կապերն Արխագիայի իրենց հայրենակիցների հետ և նպաստել *մուհաջիրների* ինքնության պահպանմանը: Իրականում Անկարան այս կառույցի միջոցով սկսել էր լայն գործունեություն ծավալել Արխագիա բազմամակարդակ ներթափանցման և նրա հասարակության շրջանում թուրքամետ տրամադրությունների ձևավորման ուղղությամբ: Կոմիտեն իր գործունեությունն իրականացնում էր «Թուրքիայի կրոնական գործերով վարչության» հովանու ներքո, պետական մի կառույցի, որն, ինչպես հայտնի է, սերտ կապերի մեջ էր թուրքական հետախուզական ծառայությունների հետ: Այնուհետև «Արխագիայի հետ համերաշխության կովկասյան կոմիտեն» սերտորեն համագործակցում էր Ֆեթուլլահ Գյուլենի «Հիզմեթ» շարժման հետ, որը խթանում էր թուրքական շահերն արտասահմանում՝ հիմնելով իսլամական դպրոցներ, թուրք-իսլամական մշակութային կենտրոններ, մզկիթներ և այլն<sup>7</sup>:

Արխագիայում հիմնադրված և թուրքական փողերով գործող հասարակական կառույցների թվում լայն համբավ ստացավ *Sadakatasi* «բարեգործական կազմակերպությունը»: Այն ֆինանսավորում էր թուրքական կողմնորոշման կրթամշակութային կենտրոնների աշխատանքը և իրականացնում բազմազան մարդասիրական գործունեություն: Զորքի նակ, կառույցը օգնություն էր բաժանում արխագ որբերին և վրաց-արխագական հակամարտության ժամանակ զոհված աշխարհագորայինների ընտանիքներին:

<sup>7</sup> Վլադիմիր Պոպով, «Արդյո՞ք «թուրքական ափը» կդառնա «արխագական ափ», ՀԱՊԿ դաշնակիցներ (ռուս.), 23.03.2020, <https://odkb-info.org/news/tema-nomera/960/> (բեռնման օրը՝ 26.01.2025):

Այսպիսով, համեմատաբար կարճ ժամանակամիջոցում Արխագիայում աշխույժ աշխատանք ծավալվեց՝ «բարեկամ և հոգատար» Թուրքիայի կերպարը սերմանելու համար, որը պատրաստ է աջակցել փոքր ժողովրդի ազատության և անկախության ճգտմանը:

Նման եռանդուն աշխատանքը հնարավոր չէր առանց Արխագիայի քաղաքական շրջանակների հետ սերտ համագործակցության և նրանց բարեհաճ վերաբերմունքի թուրքական նախաձեռնությունների նկատմամբ, որոնք առաջ էին տարվում Թուրքիայի արխագական սիյուռքի գործունեության քողի ներքո: Արդեն 1993 թ. Թուրքիայում Արխագիայի Հանրապետության ներկայացուցչություն էր բացվել: «Արխագիայի հետ համերաշխության կովկասյան կոմիտեի» աջակցությամբ Թուրքիա են այցելել Արխագիայի նախագահներ Վլադիսլավ Արժինբան և Սերգեյ Բաղապշը:

Սուխումի քաղաքական գործիչների հետ թուրքական ՀԿ-ների և արխագական սիյուռքի կազմակերպությունների կապերն ընդլայնվեցին՝ իրենց հերթին ճանապարհ հարթելով թուրքական կապիտալի՝ արխագական շուկա տնտեսական ներթափանցման համար: Առևտուրը, շինարարությունը և զբոսաշրջային բիզնեսը դարձան Անկարայի և Սուխումի տնտեսական փոխգործակցության հիմնական ոլորտները: Պաշտոնական տվյալներով՝ 2015 թ. Թուրքիայի և Արխագիայի միջև ապրանքաշրջանառությունն արդեն հասել էր 2,6 մլրդ ռուբլու, ինչը կազմում է մերձսևծովյան հանրապետության ընդհանուր ապրանքաշրջանառության 18%-ը: Սակայն, ըստ որոշ ռուսական աղբյուրների, այս թիվը չի արտացոլում իրերի իրական վիճակը և զգալիորեն թերազնահատված է՝ հաշվի առնելով Արխագիայում արտահանման-ներմուծման «գորշ» սխեմաները:

Ակնհայտ է, որ Թուրքիայի և Արխագիայի միջև հարաճուն փոխգործակցությունը չէր կարող չանհանգստացնել Վրաստանին, որի հետ Անկարան «հատուկ բարեկամական հարաբերություններ» էր ձևավորել 2003 թ.՝ Միխեիլ Սաակաշվիլիի իշխանության գալուց հետո: Չնայած դրան, Անկարան շարունակում էր խաղալ «երկու խաղադասիակի վրա», Թբիլիսին հավաստիացնելով, որ Սուխումի հետ իր փոխհարաբերությունները զուրկ են քաղաքական աստառից, այլ՝ մշակութային և մարդասիրական բաղադրիչ են արմատավորում, քանզի Թուրքիան հավատարիմ է մնում Վրաստանի ինքնիշխանությունն ու տարածքային ամբողջականությունը ճանաչող իր պաշտոնապես հնչեցրած հայտարարություններին: Այնուամենայնիվ, 2008 թ. օգոստոսին Հարավային Օսիայի պատերազմից հետո Թբիլիսին այլևս չէր կարող անտեսել Անկարայի կողմից Արխագիայի ինքնիշխանությունը ճանաչելու անհրաժեշտության մասին հաճախակի դարձող կոչերը: Հաշվի առնելով Վրաստանի վրա Թուրքիայի ուժեղ տնտեսական և քաղաքական ազդեցությունը, պաշտոնական Թբիլիսին չէր կարող իրեն բացահայտ դեմարշ թույլ տալ Անկարայի նկատմամբ, որը կառավարությանը մոտ քաղաքական շրջանակների միջոցով ավելի ու ավելի էր ազդարարում Սուխումի հետ հարաբերությունները որակապես նոր մակարդակի հասցնելու պատրաստակամության

մասին: Պաշտոնապես թուրքական իշխանությունները շարունակում էին պնդել, որ Արխագիայի նկատմամբ Վրաստանի ինքնիշխանությունն անվիճելի է<sup>8</sup>:

Գործնականում Թուրքիայի գործողությունները ցույց տվեցին հակառակը:

15.12.2019 թ. Թուրքիայի քաղաքական գործիչների, գործարարների, մշակույթի և կրթական գործիչների մի մեծ պատվիրակություն այցելեց Արխագիա: Այն գլխավորում էր թուրք քաղաքական գործիչ, «Վաթան» («Հայրենիք») կուսակցության առաջնորդ Դոդու Փերինչեքը, ով հայտնի է որպես Էրդողանի քաղաքականությանը սատարող և, իբր, Թուրքիայի և Ռուսաստանի ավելի սերտ մերձեցման կողմնակից: Նշվեց, որ այցի նպատակն է Արխագիայի անկախության հասնելու և այն «Սև ծովում իմպերիալիզմից» ազատագրելու նախաձեռնությունը: Այնուհետ Փերինչեքը հայտարարեց, որ Արխագիան Թուրքիայի օգնության կարիքն ունի, և ինքը խոստացել է, որ թուրքական կառավարությունը տեսանելի ապագայում կճանաչի Արխագիայի ինքնիշխանությունը<sup>9</sup>:

Առաջին հայացքից Փերինչեքի հոետորաբանությունը, ում թիկունքին կանգնած են թուրքական իշխանություններ, չէր կարող չբավարարել Ռուսաստանին, որը 2008 թ. Արխագիայի անկախությունն անձամբ ճանաչելուց հետո համախոհների կարիք ուներ այս հարցում: Բայց թուրք իշխանամետ քաղաքական գործչի շեշտադրումները և արխագական թեմայով բազմաթիվ հարցազրույցների ժամանակ օգտագործած ձևակերպումները հուշում էին, որ Թուրքիայում Փերինչեքի հետ խորհրդակցող կառույցները նպատակ չունեն Սուխումն ազատել «վրացական սպառնալիքից»: «Սև ծովում վրացական իմպերիալիզմ» ձևակերպումն անհեթեթություն կլիներ, և Փերինչեքը, անշուշտ, նկատի չունեի Վրաստանը: Ամենայն հավանականությամբ, խոսքը Ռուսաստանի մասին էր, որի կողմից Արխագիայի անկախության ճանաչումը, ինչպես Թուրքիան է համարում, լիովին ձևական բնույթ է կրում: Իրականում Անկարան Արխագիայում ռուսական ներկայությունը նույնացնում է «բռնազավթման» հետ, և այդ պատումը նրա կողմից համառորեն վերարտադրվում է արխագական միջավայրում: Այսպիսով, Անկարայի մտադրությունները, որոնք մակերեսային ընթերցմամբ ձեռնտու էին Մոսկվային, ժամանակի ընթացքում երկիմաստ բովանդակություն ձեռք բերեցին:

Ի սկզբանե ՌԴ-ն դրական էր վերաբերվում Արխագիայի անկախությունը ճանաչելու Ռ. Էրդողանի պատրաստակամության մասին թուրքական ազդանշաններին: Այդ պատճառով էր, որ Մոսկվան Սուխումի նկատմամբ իր վերջնական հովանավորության ժամանակաշրջանից՝ 2008 թ. հետո, որոշեց չսահմանափակել թուրքական

---

<sup>8</sup> «Թուրքիան շահագրգռված է, որպեսզի Արխագիան և Հարավային Օսիան դառնան Վրաստանի անբաժանելի մասը – Դեսպան», Մեր Արխագիան (ռու.), 01.03.2016, <http://abkhazeti.info/news/1456891425.php> (բեռնման օրը՝ 27.01.2025):

<sup>9</sup> «Դոդու Փերինչեք. Ջանքեր կգործադրենք, որպեսզի Թուրքիան ճանաչի Արխագիան», «Нужная Газета» (ռու.), 19.12.2016, <https://abh-n.ru/dogu-perinчек-prilozhim-usiliya-chtoby-turciya-priznala-abxaziyu/> (բեռնման օրը՝ 27.01.2025):

կազմակերպությունների գործունեությունն Արխագիայում՝ անտեսելով, ի թիվս այլ հանգամանքների, Անկարայի և Սուխումի միջև հարաճուն տնտեսական կապերը: Մոսկվան Արխագիայում թուրքական «*փափուկ ուժի*» աճի նկատմամբ հանդուրժողական վերաբերմունքը համարեց արխագական հարցում Անկարայի քաղաքական աջակցության գին՝ հուսալով, որ թուրքական ազդեցությունը չի անդրադառնա Արխագիայում ՌԴ բազմամակարդակ ռազմաքաղաքական ներկայության վրա: Սակայն 2015 թ. աշնանից հետո, երբ Սիրիայում խոցվեց ռուսական ինքնաթիռը, իսկ մեկ տարի անց Անկարայում սպանվեց Ռուսաստանի դեսպան Անդրեյ Կառլովը, Թուրքիայի դեմ պատժամիջոցների համատեքստում որոշ ժամանակով սահմանափակվեց Արխագիայում Թուրքիայի կառույցների գործունեությունը: Մասնավորապես, Մոսկվան հարվածեց թուրքական շինարարական ընկերությունների շահերին, որոնք Արխագիայում գործում էին ռուսական բյուջեի միջոցներով<sup>10</sup>:

Հետագայում ռուս-թուրքական հարաբերությունների «*կարգավորումն*» իր ազդեցությունն ունեցավ նաև արխագական օրակարգի վրա: Անկարային դարձյալ հնարավորություն տրվեց մուտք գործել Արխագիա, և ինչպես նախկինում էր, շարունակվեց նրա ինտենսիվ աշխատանքն այս հանրապետության կյանքի բոլոր ոլորտները ներթափանցելու ուղղությամբ: Եվ այդ գործունեության արդյունքներն ակնհայտորեն դրսևորվեցին հանրապետության նախագահական հեղաշրջման օրերին, ինչպես նաև ներկայիս նախընտրական շրջանում, երբ Արխագիայում ակնհայտորեն նկատելի դարձան ազգային արմատականության, ռուսատյացության և հայատյացության դրսևորումները:

Նշենք, որ մի շարք ռուսալեզու ԶԼՄ-ներ արդեն երկար ժամանակ նախազգուշացնում էին, որ Թուրքիայի ազդեցությունն Արխագիայի վրա հասել է այնպիսի ծավալների, որոնք թույլ են տալիս ազգային հակասությունների հիման վրա ներսից պայթեցնել հանրապետությունը և տապալել ռուսական հովանավորությունը: Ըստ հրապարակված տվյալների՝ Թուրքիան 2015 թ.-ից իրականացնում է Արխագիայից վրացիներին և հայերին վտարելու ծրագիր՝ նպատակ ունենալով հետագայում կազմակերպել *մուհաջիրների*՝ Թուրքիայի իսլամացված արխագների զանգվածային հայրենադարձությունը, որոնք, ըստ տարբեր գնահատականների, հաշվվում են 400-500 հազար մարդ:

Անկարայում որոշակի հույսեր են կապել վրաց-արխագական պատերազմի նոր շրջապտույտի հետ, ինչին, սակայն, վրացական իշխանությունները չհամաձայնեցին: Դրանից հետո Թուրքիան Արխագիայի իշխանություններին համոզեց խստացնել

---

<sup>10</sup> «Սուրկով. Թուրքական ընկերությունները դժվար թե Արխագիայում օբյեկտներ կառուցեն՝ օգտագործելով ռուսական միջոցները», SUSA (ռուս.), 29.12.2016, <https://tass.ru/politika/2564433/> (բեռնման օրը՝ 27.01.2025):





Գործողությունների ծրագիրը, որը Բահչեյին առաջարկում է ԱԳ նախարար և Թուրքիայի հետախուզության նախկին ղեկավար Ֆիդանին, ներառում է ազգային փոքրամասնության դեմ բռնի գործողություններին նախապատրաստվելու դասական մեթոդներ: Այստեղ կան նաև հայկական համայնքի ներսում ահաբեկչական տարրերի դեմ պայքարի անհրաժեշտության մասին սովորական հիշատակումներ, ինչն ուղղակիորեն վկայում է հայ համայնքի քաղաքացիական ակտիվությունն արևազ ազգայնականների հետ համատեղ չեզոքացնելու և նրա ազդեցությունը ճնշելու ցանկության մասին: Նկատի ունենալով, որ արևազահայերը թուրքական կողմնորոշման գաղափարի ի սկզբանե հակառակորդներն են և խոչընդոտ են համարվում *մուհաջիրների* զանգվածային վերաբնակեցման ծրագրին, պետք է հասկանալ, որ թուրքական իշխանությունները և արևազ արմատական ազգայնականների շրջանում նրանց դաշնակիցները համարում են, որ արևազահայերը կլինեն Մոսկվայի հնարավոր աջակիցները, ովքեր կարող են հոգուտ Ռուսաստանի գերակշռել հետագա քաղաքական գործընթացներն Արևազիայում: Հետևապես, ենթադրյալ ծրագրվող հակահայկական բռնի միջոցառումներն առաջին հերթին ուղղված են ՌԴ-ի և Արևազիայում նրա ազդեցության դեմ:

Եվ, այնուամենայնիվ, չի կարելի բացառել, որ Դ. Բահչեյի ստորագրած փաստաթուղթը, որը հայտնվել է ԶԼՄ-ների տրամադրության տակ, հենց Անկարան է միտումնավոր տարածել: Դա կարող էր արվել՝ Արևազիայում թուրք էմիսարների չափազանց եռանդուն գործունեությունից Մոսկվայի ուշադրությունը վաղաժամկետ նախագահական ընտրությունների նախաշեմին շեղելու համար: Ենթադրաբար, թուրքական հատուկ ծառայությունների «*արևազական խառնաշփոթը*», որը հազիվ թե աննկատ մնաց նրանց ռուս գործընկերների կողմից, կապված է բացառապես «*հայ ահաբեկչական տարրերի*» հետ, որոնք ժամանակին խնդիրներ են առաջացրել Անկարայի դաշնակից Բաքվի համար: Միևնույն ժամանակ, փաստաթղթում Ադրբեջանի հիշատակումը, թուրքական իշխանությունների մտահղացմամբ, կարող է լրացուցիչ դրդապատճառներ ստեղծել ռուս-ադրբեջանական հարաբերությունների վատթարացման համար, ինչն այս փուլում կարող է ձեռնտու լինել Թուրքիային: Հակառակ դեպքում, թուրքական իշխանությունների մեծ բացթողում պետք է համարել այն, որ գաղտնի փաստաթուղթը հայտնվել է ԶԼՄ-ներում, ինչը հազվադեպ է լինում թուրք քաղաքական գործիչների սովորաբար կանոնավոր աշխատանքում:

Այսպես թե այնպես, հարկ է նշել, որ Արևազիան ներքաշվել է Ռուսաստանի և Թուրքիայի դիմակայության մեջ, անկախ նրանից, որ երկու կողմերն էլ պաշտոնապես փորձում են խուսափել այդ փաստի հաստատումից: Արևազիայում տեղի են ունենում իրադարձություններ, որոնք կարող են ճակատագրական դառնալ հենց հանրապետության և նրանում բնակվող էթնիկ խմբերի համար: Սակայն Սուխումի ամբոխահաճո շրջանակները երկու տերությունների միջև կատաղի մրցակցությունը սխալմամբ մեկնաբանում են որպես մերձսևծովյան հանրապետության լիարժեք անկախության հասնելու հարմար հնարավորություն: